

右無色界四天云無復色慾其界人微妙無色想乃有形長數百里而人不自覺唯有其人能見故曰無色界

四梵天元始曰二十九曰常融天三十曰玉隆天三十一曰梵度天三十二曰賈奕天

四天之上則為梵行梵行之上則是上清之天玉京玄都紫微宮也乃太上道君所治真人所登也自四天之下二十八天分為三界一天則有一帝王治其中其人皆是在世受持智慧上品之人從善功所得自然衣食飛行來去逍遙歡樂但死生之限不斷猶有壽命自有長短下第一天人壽九萬歲以次轉增之

雲笈七籤卷之二十一

雲笈七籤卷之二十二

卷二

宋景公問政於孔子孔子對曰君君臣臣父父子子

天地部

總說天地五方

外國故品隱元內文經云天地五方皆有制御剛柔之色使不得落其地深二十億萬里得潤澤潤澤下二十億萬里得金果澤金果澤下二十億萬里得金剛鐵澤金剛鐵澤下二十億萬里得水澤水澤下八十億萬里得大風澤大風澤下五百二十億萬里乃網維天地制使不陷如今日月星辰為風所待也學者不知地下之境潤色深淺即五帝不過兆身於外國之境也

東方弗于低九萬里之外極豪林之墟其國音銘呵羅提之國國地形正負土色如碧脂之鮮無有山阜廣狹九十萬里其國人形長二丈壽四百歲國有六音之銘是髙上始氣置於外國胡老之品髙上恒吟歌其音以化胡老之人令知外國有不死之教其國人皆行禮而誦其音是得四百歲之壽無有中夭

之命上學之士知外國地色恒吟誅六品之音者則致胡老仙官衛兆之身九年自然得遊呵羅提之國與胡老交言變化飛空遊行東極之境也

南方閩浮利三十萬里之外極洞陽之野其國音則銘伊沙陀之國國地平博無有高下土色如丹廣狹八十一萬里其國人形長二丈四尺壽三百六十歲國有六音之銘是髙上置於外國越老之品髙上恒吟歌其音以化越老之人令知其國有不死之教其國人皆行禮而誦其音是得三百六十歲之壽無有中夭之命學者知外國地色恒吟誅六品之音者則致越老仙官衛兆之身九年自然得遊伊沙陀之國與越老交言變化朱官飛行南陽之境也

西方俱耶尼七十萬里之外極浩素之壘其國音則銘尼維羅綠那之國國地形多高壘與天西關相接土色白如玉廣狹六十八萬里其國人形長一丈六尺壽六百歲國有六音之銘是髙上置於外國氏老之品髙上恒

吟歌其音以化氏老之人令知其國有不死之教其國人皆行禮誦誦其音是得六百歲之壽無有中夭之命學者知外國地色恒吟誦修行則致氏老仙官衛兆之身九年自然得遊尼維羅綠那之國與氏老仙官交言能飛行玄虛遊戲浩素之種也

北方鬱單五十萬里之外國極朔陰之庭其國音則銘旬他羅之國國地長流平演土色黑潤廣狹五十八萬里其國人形長一丈二尺壽三百歲國有六音之銘是髙上置於外國是老之品髙上恒吟歌其音以化是老之人令知其國有不死之教其國人皆行禮而誦誦其音是得三百歲之壽無有中夭之命學者知外國地色恒吟誦修行則致是老仙官衛兆之身九年自然得遊旬他羅之國與

是老交言飛行玄虛遊宴朔陰之庭也上方九天之上清陽虛空之內無色無象無形無影空洞之銘元精青池自然之國以青氣為世界上極無窮四覆諸天則髙上玉皇萬聖帝真受生之根元壽命無量惟劫為年

其空洞之內亦有六音之銘則元始置於真皇自然之品髙上吟歌其音以延壽仙令知玄空有無量之真其國玉皇萬聖帝真皆行禮悉吟誦其音是得無量之壽學者知空洞之色吟誦修行則致三元下降五帝詣房授兆靈音九年則得乘駕浮雲上造玉清太空之中也

中國直下極大風澤去地五百二十億萬里網維地源制使不落土色如金之精中國音則銘太和寶真無量之國中嶽崑崙即據其中央諸天之別名上有玄圖七寶珠官與天交端上真飛仙之館中國周迴百二十億萬里其國人形長九尺皆學導引之術壽一千二百歲國有六音之銘是髙上置於中國之品髙上玉皇帝君悉吟誦其音以化中國儉老之人令知其國有不死之教其國人皆修上清之道行禮誦誦是得壽一千二百歲無有橫夭之年學者知中國地色吟誦修行則儉老仙官衛兆之身九年自然與儉老交言玄察太空飛行上清

九地三十六音

諸天內銘九地三十六音以元始同存空靈建統結自然之名表於九玄演流外國三十六音如是天地各有三十六分天則有三十六天王以應三十六國地則有三十六土皇以應三十六天天王典真土皇主仙為學不知天之內音則天王不領兆名不知地之音土皇則不滅兆跡閉不得仙有見其文受其設音天王玄鑿七聖刻篇西龜定錄東華書名土皇滅尸落跡九陰保舉上清五靈敬護十界扶迎周流六國平滅群凶五兵摧伏天魔束形九年乘空飛行上清真道髙妙不得妄宣輕泄寶音七祖克責已身殞亡三塗五苦萬劫不原上真之士慎科而行

朝禮訣法

諸天王恒以八節及月朔之日遊觀無塵塵戲雲房道進玉清流時十方於明霞之上恒誦諸天內一首飛玄之章上慶天真內懽神矜玉響虛朗瓊韻合音當此之日五老淨位九帝臨軒四司鑒試五帝衛靈衆真齊唱萬仙

禮音三光停暉七元煥明山海壽波諸天肅
清八素散華四皇拂塵靈風揚香綠霞吐津
天元溟滓玉虛含欣朗朗高清之館渺渺太
漠之中洞虛入微周覽無窮有得其道與帝
結朋動誦其章位准仙王德同諸天壽齊三
光

凡學上仙之道志登玉清奉禮帝尊而不知
三十六天之音飛玄之章則三十六天王不
領兆名徒為精勤天不降真四司不敬五帝
不迎天魔侵真終不成仙欲飛行玄虛遊晏
五嶽而不知九地三十六土皇內名則九陰
不落兆尸九地不滅死跡徒勞幽山望飛反
沉踐行此道每至八節月朔日沐浴清齋入
室燒香朝禮諸天北向叩齒三十六通微呪
曰兆臣甲乙志慕神仙八慶之日朝禮天尊
上願騰景乘空落煙飛超玉清洞遊諸天中
願變形致五神昇八月門仰嘔八鷲石景水
母玉胞飛根長披朱日與光同存下願四極
授我口言西華侍衛使金晨攜提五老八
景同軒上慶交合五願開陳得如所願體合

自然真靈下降賜登上仙舉使六拜仰咽六
氣次西向六拜咽六氣次南向六拜咽六氣
次東向六拜咽六氣次西北六拜咽六氣次
東南六拜咽六氣合六方三十六拜朝三十
六天畢還北向平坐誦三十六天飛玄之章
一遍竟又六拜六咽氣都止也此高上朝三
十六天上法行之九年天降雲輿三光詣房
書名玉清刻簡青宮四司右列十界敬迎乘
空飛行上昇玉晨其法高妙不得妄宣輕泄
寶文七祖充責身役鬼官長閉三徒萬劫不
原

高上九玄三十六天內音
第一無上元景無色鬱單無量天英勃天王
姓混 詳前
第二無形清微天化昇天王姓馮詳後
第三無精波羅傳天玄黑天王姓雲詳後
第四入色水無量億羅天飛宗天王姓王詳前
第五無極洞清上上禪善無量壽天雲羅天
王姓緝 詳前

第六玄微自然上虛禹餘天梵咽天王姓羅
詳後
第七玄清上無那首約誦天玄那天王姓梵
詳前
第八梵行上清氣稽那邊淨天云樞天王姓
詳前

第九無窮洞虛極上頻延天迴摩天三姓澤
詳前
第十玄梵玉虛無精氣羅迦淨月天雲阿天
王姓周 詳前
第十一氣玄元達上靈赤天重慕天王姓丹
詳前

第十二大梵玄無氣離起行如天世畢天王
姓周 詳前
第十三無極上靈玉虛玄洞寂然天家王天
王姓津 詳前
第十四寶梵無色上真氣潘羅玄妙天雲持
天王姓隨 詳前
第十五飛梵行真上玄答謨福德天都利天
王姓王 詳前

第十六雲梵流精中元近慧際溥天世良天

王姓朱詳集

第十七玄上洞極無崖不驕灑天流芬天王

姓疑詳集

第十八大梵玄青元精答起近際天元深天

王姓阿詳明

第十九行梵紫虛上元首帶快見天洞千天

王姓劉詳且

第二十虛梵上清化靈須陀結愛天飛本天

王姓彭詳移

第二十一上極無景洞微化應聲天玉攜天

王姓輝詳靈

第二十二大梵九玄中元氣阿那給道德天

天蔡天王姓捷詳尼

第二十三行梵元清下靈氣須達天總幾天

王姓周詳難

第二十四極梵洞微九靈氣須帶阿那天九

曲天王姓竺詳明

第二十五無名至極洞微梵寶天 天王

姓精詳靈

第二十六微梵玄天氣帶扇給道德天

天王姓洛詳須

第二十七虛梵天氣蟬然織慧天 天王

姓云詳元

第二十八空梵中天續元伊禮天 天王

姓朱詳仲

第二十九太極無崖紫虛洞幽梵迦摩夷天

世羅天王姓云詳靈

第三十綠梵自然識慧入天雲九天王姓迦

文羅詳釋

第三十一玄梵大行無景無所念慧天宗提

天王姓伊詳禮

第三十二天雲梵上行維先阿檀天正群天

王姓仲詳靈

第三十三無色玄清洞微波梨答怒天

天王姓王詳靈

第三十四洞微玄上梵氣阿竭合那天

天王姓桓詳聖

第三十五玄上綠梵滅然天 天王姓朱

雲羅詳靈

第三十六極色上行梵沈維先若那天

天王姓袁詳負

三十六天内名生於空洞元氣之先文華表見題於崑崙之山高上音其玉文上相集其妙篇稟受太空自然之章上標玄圖中統六

國三十六音下總九地三十六土皇靈篇洞

暢玉慧虛解皆天王之遊歌空玄之寶章六

六韻合四四齋真九帝分號三十六天萬氣

總誦普領群仙上極無崖無色下極洞源洞

淵諸為上真飛仙不稟玉音則不得遊觀無

崖之天有得其文天王書名刻字紫扎結錄

玉晨三十六年尅得上登無色之天下洞九

地之源上妙之道不傳下仙輕泄寶音七祖

充責身負刀山三徒五苦萬劫不原

洞淵九地三十六音內銘

第一壘色潤地正音土皇姓秦詳壽

第一壘色潤地行音土皇姓黃詳昌

第一壘色潤地遊音土皇姓青詳玄

第一壘色潤地梵音土皇姓蜚詳星

第二壘剛色地正音土皇姓茂詳坤

第二壘剛色地行音土皇姓鬱母生
 第二壘剛色地遊音土皇姓玄德維
 第二壘剛色地梵音土皇姓長明
 第三壘石脂色澤地正音土皇姓張神保
 第三壘石脂色澤地行音土皇姓周上伯
 第三壘石脂色澤地遊音土皇姓朱車明
 第三壘石脂色澤地梵音土皇姓庚敬士
 第四壘潤澤地正音土皇姓賈子高
 第四壘潤澤地行音土皇姓謝元伯
 第四壘潤澤地遊音土皇姓已秦陳
 第四壘潤澤地梵音土皇姓行正方
 第五壘金粟澤地正音土皇姓華期明
 第五壘金粟澤地行音土皇姓黃元容
 第五壘金粟澤地遊音土皇姓雲元容
 第五壘金粟澤地梵音土皇姓蔣元通
 第六壘金剛鐵澤地正音土皇姓李少若
 第六壘金剛鐵澤地行音土皇姓范力安
 第六壘金剛鐵澤地遊音土皇姓長李元
 第六壘金剛鐵澤地梵音土皇姓王女容
 第七壘水制澤地正音土皇姓唐生初

第七壘水制澤地行音土皇姓吳法高
 第七壘水制澤地遊音土皇姓漢文獻
 第七壘水制澤地梵音土皇姓京龍首
 第八壘大風澤地正音土皇姓葛昇光
 第八壘大風澤地行音土皇姓華雲長
 第八壘大風澤地遊音土皇姓羊洞玄
 第八壘大風澤地梵音土皇姓周敬原
 第九壘洞淵無色剛維地氣正音土皇姓昇元伯
 第九壘洞淵無色剛維地氣行音土皇姓昇元伯
 第九壘洞淵無色剛維地氣遊音土皇姓趙伯玄
 第九壘洞淵無色剛維地氣梵音土皇姓景元伯
 右九壘之地極下洞淵洞源網維天地制
 使不落上則去第一壘五百二十億萬里
 下則無窮無境無邊無際皆網維之氣如
 是第九壘土皇以三月一日六月二日九
 月三日十二月四日一年四過乘五色雲

與九色飛龍執中元命神之章從僉老仙
 官耀天羽騎萬二十人上詣波梨答怒天
 奏九地學道得仙人名言於四天之主
 凡學上法當以其日日入時入室向太歲黃
 書白紙上四土皇內音服之叩齒十二通仰
 存四土皇姓諱悉著玄黃五色之衣頭戴九
 元通天寶冠足著五色師子交文之履執文
 身保命之符乘黃霞飛與從五帝玉女三十
 六人飛行上昇波梨答怒天便呪曰
 二象廻周九精洞靈皇老應符騰虛入清四
 通八達飛霞紫瓊上登金華奉對帝靈記仙
 元錄青官刻名得道白簡封字七靈九壘滅
 尸東井鍊形三九降真我道已明得乘飛景
 上登玉庭畢心拜九拜咽氣十二通止行之
 三十六年得乘黃霞飛上昇波梨答怒之
 天九地九壘直下九重合三十六音三十六
 土皇上應三十六天中應三十六國如是土
 皇皆位齊玉皇之號但分氣各治上下之別
 名耳土皇三十六年轉就上清之宮襲三十
 六天之王玉司之官於九壘之下皆舉學道

得仙之名上奏九天天王為學不知九壘地音三十六土皇內諱九地不滅兆跡九天丞相不受兆名五嶽不降雲與五帝不衛兆身徒明外國之音故不得巨會而昇也故天地人各稟三三之氣三合成真然後得仙也

凡知九地之音三十六土皇內諱則九氣丈人恒以四方五色靈官防衛兆身出入遊行登陔五嶽則仙官待送滅魔威試降致神真九年飛空坐在立亡三十六年上昇太清居世得此文七玄九祖則為九氣命靈土皇司官奉衛形骸撫慰靈魂高里父老丘丞相緣皆為驅除無復拘閉隨役之患居則在地保安無凶十二守將營扞八門通真致神欲富則富欲官則官欲仙則仙欲神則神此道秘妙非可言宣上相青童稟受高上口訣寶篇妄泄靈文七祖充役萬劫不原

登山住止安居審地吉凶法

若欲登山住止及安居宅審地吉凶當以戊己之日黃書九地三十六音文白紙上置所居中央以盆覆之三宿開看若有黃色潤紙

大吉若有青色則下有死靈之尸若有白色則凶若有赤色者則驚恐若有黑色者則主財寶若有紫色者得神仙都不異則止可三年安過此必折傷

東方呵羅提國

第一品銘 正音无夷
第二品銘 正音波泥
第三品銘 正音久難
第四品銘 正音吉單
第五品銘 正音无思
第六品銘 正音雲芝
東方去中國九十萬里外名為呵羅提之國一名日生國國外有扶桑在碧海之中地一面方萬里上有大帝宮太真王之別治其上生林如桑皆數千丈大者三千圍兩兩同根而生有實赤如桑椹仙人所啖食體作金光色其實音九千歲一生又有生洲在扶桑外西接蓬萊地面方二千五百里去岸二十三萬里上有仙家數萬人地無寒暑時節溫和多生神仙芝草食之飛空而行扶桑東又有

祖洲在東海之中地方五百里去岸七萬里上有不死芝草形狀似菰苗長三四尺一名養神芝其葉似菰生不叢株食之飛行上清已死之人覆之則生神奇妙藥入其國宜知其名存胡老仙官採之於祖洲忌其色而服之三年而有流光延壽萬年久久自然有仙人齋此神物降送於身也

南方伊沙陀國

第一品銘 正音盈華
第二品銘 正音王家
第三品銘 正音提魔
第四品銘 正音提龍
第五品銘 正音武都
第六品銘 正音飛蒲
南方去中國八萬一千里外名閻浮黎之外極洞陽之野國名伊沙陀之國一名火庭天竺之國國外有長洲一名青丘在南海辰巳地方五千里去四方之岸二十萬里則生天樹長三千丈大者二千圍甚多靈藥甘露玉英無所不有其上有民人皆壽三百六十歲

又有靈狐之獸大者如犬色如金叫聲響四千里威制虎豹萬禽得衣其毛壽同天地青丘左則有鳳山山恒震聲上有紫府宮天具神仙玉女所遊觀又有炎洲在南海中央地方二千里去岸九萬里有風生獸似豹青色大如狸積火連天燒之經月不死毛亦不然斫刺不入以鐵鏈交斂其頭數千下乃死張口向風須臾復活以石上葛蒲塞其鼻即死取其腦和菊花服之壽同天地又有火林山山中有火光獸大如鼠毛長三四寸或赤或白於是夜半望山上林木及此獸光照如然火取其獸毛作布名之火浣布小汙以火燒之即鮮白則伊沙陀國人所求得此毛仙人降形學者存其國之音思越老仙官三十二年神人當以此獸及本國神奇之物獻送於兆也

西方尼維羅綠那國

- 第一品銘 音曰華蓮
- 第二品銘 音曰高軒
- 第三品銘 音曰明身

第四品銘 音曰土羅

第五品銘 音曰星震

第六品銘 音曰朱天

西方去中國六萬里外名俱耶尼之外極皓素之壘寒穴之野則尼維羅綠那之國一名雲胡月支國國人壽六百歲國外則有流洲在西海之南地方三千里去東岸十九萬里其上有仙家數萬上有山生昆吾之石治石成鐵作劍光明照洞如水精割玉如土有鳳麟洲在海中央地方一千五百里四面有弱水鴻毛所不浮上有仙家數千鳳麟為群上有吉光之獸如狸能作胡語聲如梵音與其國人通言獸毛生光奕奕悉仙人所求得衣其毛壽同天地學者存其國音氏老仙官三十二年當獻送昆吾之劍吉光之獸於兆也

北方句他羅國

- 第一品銘 音曰玄家
- 第二品銘 音曰文多
- 第三品銘 音曰山崖
- 第四品銘 音曰武都

第五品銘 音曰盈家

第六品銘 音曰玄摩

北方去中國五萬里外名鬱單極朔陰鈞陳之庭國名句他羅之國一名天鏡之國國人壽三百歲國外則有玄洲方七千二百里四面是海去岸三十六萬里有太玄都仙伯真公所治有鸞鷲之鳥如浮氣多丘山名為風山與天西北門連界金堂玉室宮府生金玉紫芝是三天所治其外則有元洲地方三千里去南岸十萬里上生五芝玄澗澗水如蜜飲之與天地同年中有三萬仙家悉飲此水得仙不死學者存其國音堯老仙官三十二年降獻玄湖五芝水也

上方元精青沌自然國

- 第一品銘 正音重權
- 第二品銘 正音玉金
- 第三品銘 正音三林
- 第四品銘 正音正精
- 第五品銘 正音吸鈴
- 第六品銘 正音綠嬰

上方九天之上清陽恢空之內無色無象無形無影空洞之銘元精青沈自然之國一名洞澳清衍之國以青氣為世界上極無窮四覆諸天惟有玉虛紫館結空洞之煙而虛玄青池之內也為學存高上之音則天人授子飛仙之方

中央太和寶真無量國

第一品銘 正音山崖

第二品銘 正音世家

第三品銘 正音嵯峨

第四品銘 正音聖華

第五品銘 正音程苑

第六品銘 正音單那

中國四周百二十億萬里下極大風澤五百二十億萬里崑崙處其中央弱水周而繞山山高平地三萬六千里上三角面方長萬里形似偃盆中央小狹上廣其一角正北千辰星之精名曰閭風臺一角正西名曰玄圃臺其一角正東名曰崑崙宮一處有積金為天墉城面方千里城上安金臺五所玉樓十二

其北戶山承湖山並其支輔又有墉城金臺玉樓相似如一流精之闕光碧之堂瓊華之室紫翠丹房景雲場日朱霞九光西王母之所治上通璇璣元氣流布五常玉衡普引九天之澳灌萬仙之宗根天地之紐萬度之柄矣上生金銀之樹瓊柯丹寶之林垂蘇瑚以為枝結玉精以為實其樹悉刻題三十六國音諸天玉文上棲紫鸞鳳鸞白雀朱鸚鵡靈鶴赤鳥青鶴下則飛禽遊獸與崑崙同生初無死耗但玄文寶經隱書古字有千二百億萬言在玄圃之上積石之陰仙人有九萬人皆停散於靈山學者恒誦諸天內音外國三十六音地下九壘之音九年仙人自當降還靈山之神奇三十六年得乘五色雲與上登崑崙之山也

雲笈七籤卷之二十二

雲笈七籤卷之二十三

雲笈七籤卷之二十三

日月星辰部

總叙日月

黃氣陽精三道順行經曰日陽之精德之長也縱廣二千三十里金物水精暈於內流光照於外其中有城郭人民七寶浴池池生青黃赤白蓮花人長二丈四尺衣朱衣之服其花同衰向盛日行有五風故制御日月星宿遊行皆風梵其綱金門之上日之通門也金門之內有金精冶鍊之池在西關左之分故立春之節日更鍊魄於金門之內耀其光於金門之外四十五日乃止順行之洞陽宮洞陽宮日之上館也立夏之日止於洞陽宮吐金冶之精以灌於東井之中沐浴於晨暉收八素之氣歸廣寒之宮也月暉之圖縱廣二千九百里白銀琉璃水精映其內城郭人民與日宮同有七寶浴池八審之林生乎內人長一丈六尺衣青色之衣常以一日至十六日採白銀琉璃鍊於炎光之治故月度盈則